

光緒順天府志

第十二冊



〔清〕周家楣 繆荃孫等編纂

光緒順天府志

第十卷
第二冊
卷九十五至卷一百二

北京古籍出版社

人物志五

光緒順天府志九十五

先賢五

黃岡洪良品纂
江陰繆荃孫覆輯

遼

韓延徽
子德樞
紹勳
德樞
紹芳

劉珂

張儉

楊績

王鼎

室昉

牛溫舒

楊哲

張衍

康默記
孫延壽

馬得臣

楊佖

劉伸

金

韓昉

劉彥宗
孫仲誨

人物志五
先賢五

程案

左泌
姪光慶

任熊祥

趙元

韓企先子鐸

韓錫曾孫玉
玉子不疑

劉徽柔

張亨

王啟子師
揚

劉仲洙

巨構

梁斗南

范中

呂貞幹姪子
羽

完顏仲元

王毅

董文甫

張潛

李天翼

翟永固

劉中

王中安子貴
質

丁暉仁

馬琪

馬百祿

梁瑄

龐鑄

杜時昇

高斯誠

完顏阿林

馬肩龍

王彪

李伯淵

崔禮

高昌福

賈少冲子益

王脩

馬惠迪

宋宸

閻公貞

崔遵

趙伯成

趙質

高永

劉德基

蕭漢傑

王鬱

張天綱

遼

韓延徽，字藏明，幽州安次人。父夢殷，累官薊、儒、順三州刺史。延徽少英敏，燕

帥劉仁恭奇之，召爲幽都府文學，平州錄事參軍，同馮道祗候院，授幽州觀察度支使。

遼史列傳。守光與六鎮構怨，自稱燕帝。延徽諫之，不從，守光置斧質於庭曰：「敢諫者斬！」

孫鶴力諫，守光殺之；延徽以幕府之舊，且素重之，得全。契丹國志十六。守光末年衰困，遣延

徽求援於契丹，太祖怒其不拜，留之，使牧馬於野。延徽有智畧，頗知屬文，舒嘯原作述律。

后言曰：「延徽能守節不屈，此今之賢者，奈何辱以牧圉！宜禮而用之。」太祖召延徽與

語，悅之，遂以爲謀主，舉動訪焉。延徽始教契丹建牙開府，築城郭，立市里，以處漢

人，使各有配偶，墾藝荒田。由是漢人各安生業，逃亡者亦少。契丹威服諸國，延徽有

助焉。通鑑二百六十九。居久之，慨然復懷故鄉里，賦詩見志，遂亡歸唐。宏簡錄二百十。晉王欲置之幕府

掌書記，王絨疾之，延徽不自安，通鑑。懼及難，返幽州省親，匿故人王德明舍。宏簡錄。德明

問所之，案：王德明，即張文禮也。延徽曰：「今河北皆爲晉有，吾將復詣契丹耳。」德明曰：「叛而復往，

得無取死乎？」契丹國志。延徽笑曰：「彼失我，如失左右手，其見我必喜，遼史列傳。安肯害我？既

省母，遂復入契丹。太祖聞其至，大喜，通鑑。拊其背曰：「嚮者何往？」延徽曰：「思母，欲

告歸，恐不聽，故私歸耳。

契丹國志。

太祖大悅，賜名曰實喇，

原作匣列。

遼言復來也。

卽命爲守

政事令、崇文館大學士，中外事悉令參決。天贊四年，從征渤海，大誣譖乞降；既而復

叛，與諸將破其城，以功拜左僕射。又與康默記攻長嶺府，拔之。

遼史列傳。

晉王遣使至契

丹，延徽寓書於晉王，敘所以北去之意，且曰：非不戀英主，非不思故鄉，所以不留，

正懼王緘之讒耳。因以老母爲託，且曰：延徽在此，契丹必不敢南牧。故終同光之世，

契丹不深入者，延徽之力也。

契丹國志。

師還，遇太祖崩，哀動左右。

太宗封魯國公，仍爲

政事令。使晉還，改南京三司使。

宏簡錄。

世宗朝，遷南府宰相，建政事省，設張理具，稱

盡力吏。天祿三年六月，河東使請行冊禮，帝召延徽定其制，延徽奏，一遵太宗冊晉帝

禮，從之。應曆中，致仕。初，延徽南奔，太祖夢白鶴自帳中出；比還，復入帳中。詰

旦謂侍臣曰：延徽至矣。已而果然。

遼史列傳。

卒，年七十八。

上聞震悼，贈尚書令，葬幽

州之魯郭。仍世爲崇文令公。子德樞。

宏簡錄。

德樞年甫十五，太宗見之，謂延徽曰：是兒，卿家之福，朕國之寶。未冠，守左

羽林大將軍，遷特進太尉。

遼史列傳。

時漢人降與轉徙者多寓東平，

宏簡錄。

丁歲災，饑饉疾厲，

德樞請往撫字之，授遼興軍節度使。下車整紛剔蠹，恩煦信孚，勸農桑，興教化，期

月，民獲蘇息。人爲南院宣徽使，遙授天平軍節度使，平、灤、營三州管内觀察處置等

使，門下平章事。已而加開府儀同三司、行侍中，封趙國公。保甯元年卒。子紹勳、紹

芳。遼史列傳。

紹勳仕至東京戶部使，會大延琳叛，被執，不屈，以鋸解之。憤罵至死。遼史韓延徽傳。

紹芳，太平三年爲樞密直學士。重熙間，參知政事，加兼侍中。十二年，議征李元

昊，力諫不聽，出爲廣德軍節度使。聞敗，嘔血卒。宏簡錄。

康默記，本名照，少爲薊州衙校。案：康默記，史不詳其何處人，薊州舊志列鄉賢內，當是薊州人，今從之。太祖侵薊得之，愛其材，

隸麾下，得與佐命功臣遇。一切蕃、漢事相干涉，屬默記折衷之。時諸部新附，文法未

備，令推析律意，論次重輕，悉合上意，不差毫釐。宏簡錄二百十。罹禁網者，人人自以爲不

冤。頃之，拜左尚書。神冊三年，遼史列傳。城皇都，以默記充版築使，遼太祖紀。董役，人咸勸

趨，百日而訖事。五年，爲皇都夷勒希巴。原作夷離畢。會出師居庸關，命默記將漢軍進逼長蘆

水寨，俘馘甚衆。天贊四年十二月，詔曰：渤海世讐未雪，豈宜安駐？乃舉兵親征。遼太

祖紀。默記與韓知古從。後大誣譟叛，命諸將攻之。默記分薄東門，率驍勇先登，既拔，

與韓延徽下長嶺府。軍還，已下城邑多叛，默記與阿古齊。原作阿古只。平之。既破輝發，原作回跋。城

歸，遼史列傳。太祖崩，復董山陵，功畢而卒。孫延壽。宏簡錄。

延壽，字胤昌，少倜儻，謂其所親：大丈夫爲將，當效節邊陲，馬革裹屍。景宗特授千

牛衛大將軍。宋人攻南京，諸將既成列，延壽獨奮擊陣前，敵遂大潰。以功遙授保大軍節度使。乾亨三年卒。遼史列傳。

劉珂，晞次子，尚世宗妹燕國公主。少善射，以材能稱。賦性謹重，未嘗有過，爲太宗所知。忿石晉負恩，連年南牧。戰定州時深入，帝馬陷泥濘中，珂下馬奉帝出，身被數十瘡，流血滿體。太宗壯之，遷林牙行宮都部署、西北路兵馬招討使。從人大梁，授同知府事，尋校漢人樞密使，封吳王。契丹國志十六。

室昉，字夢奇，南京人。按：宛平志作析津人。幼謹厚篤學，不出外戶者二十年，雖里人莫識，

其精如此。會同初，登進士第，爲盧龍巡捕官。遼史列傳。太宗入汴受冊禮，詔昉知制誥，

總禮儀事。爲南京留守判官。宏簡錄二百十。應曆間，累遷翰林學士，出入禁闥十餘年，數延問

古今治亂得失，奏對稱旨。上多昉有理劇才，改南京副留守，決訟平允，人皆便之。

遷工部尚書，尋改樞密副使，參知政事。頃之，拜樞密使，兼北府宰相，加同政事門下

平章事。統和元年，告老，不許。進尚書無逸篇以諫，太后聞而嘉獎。二年秋，詔修諸

嶺路，昉發民夫二十萬，一日畢功。是時，昉與韓德讓、耶律色珍原作斜軫。相友善，同心

輔政，遼史列傳。整革蠹弊，知無不言，務在息民薄賦。魏輔唐志七十一。四年，南征還，奏山西四州

自宋兵至後，人民轉徙，盜賊充斥；乞下有司禁止，命新州節度使蒲打里選人分道巡

檢。從之。宏簡錄八年，復請致政。詔入朝免拜，賜几杖，太后遣閣門使李從訓特詔勞問，

令常居南京，封鄭國公。初，晉國公主建佛寺于南京，上許賜額。昉奏曰：「詔書悉罪無名

寺院，今以主請賜額，不惟違前詔，恐此風愈熾。」上從之。表進所撰實錄二十卷，手詔

褒之，加政事令，賜帛六百匹。九年，薦韓德讓自代，不從。遼史列傳賜貂皮衾褥，許乘

輦入朝。病劇，遣翰林學士張幹就第授中京留守，加尚父。卒，年七十五。上嗟悼，輟

朝二日，贈尚書令。遺言戒厚葬。恐人譽過情，自志其墓。宏簡錄

馬得臣，南京人。好學博古，善屬文，尤長於詩。保甯間，累遷政事舍人、翰林學

士。常預朝議，以正直稱。遼史列傳統和二年，改宣政殿，仍兼侍讀學士。聖宗閱唐高祖、

太宗、玄宗三紀，命錄其行事可法者以進。宏簡錄二百十時上擊鞠無度，上書諫曰：「臣竊觀

房玄齡、杜如晦，隋季書生，向不遇太宗，安能爲一代名相？臣雖不才，陛下在東宮，

幸列侍從，今又得侍聖讀，未有裨補聖明。陛下嘗問臣以貞觀、開元之事，臣請畧陳

之。昔唐太宗侍太上皇宴罷，則挽輦至內殿；玄宗與兄弟歡飲，盡家人禮。陛下嗣祖考

之祚，躬侍太后，可謂至孝。臣更望定省之餘，敦睦六親，加以愛敬，則陛下親親之

道，比隆二帝矣。臣又聞二帝耽玩經史，數引公卿講學，至于日昃。故二帝當時天下翕

然嚮風，以隆文治。今陛下游心典籍，分解章句，臣願研究經理，深造而篤行之，二帝

之治，不難致矣。臣又聞，太宗射豕，唐儉切諫；玄宗臂鷹，韓休懇言。二帝莫不樂從。今陛下以毬馬爲樂，愚臣思之，有不宜者三：君臣同戲，不免分爭，君得臣愧，此負彼喜，一不宜；躍馬揮杖，縱橫馳騖，不顧上下之分，爭先取勝，失人臣禮，二不宜；輕萬乘之尊，圖一時之樂，萬〔一〕有銜勒之失，其如社稷、太后何？三不宜。儻陛下不以臣言爲迂，少賜省覽，天下之福，羣臣之願也。書奏，帝嘉歎良久。遼史列傳統和七年，

卒。贈太子太保，賜錢十萬，粟百石，有司給葬。宏簡錄

張儉，宛平人。端慤清儉，不事外飾。

宛平王志

統和十四年，進士第一，調雲州幕官。

聖宗獵雲中，故事，車駕經行，長吏當有所獻。節度使進曰：「臣境無他產，惟幕僚張儉，一代之寶，願以爲獻。」宏簡錄二百十先是，聖宗夢四人侍側，賜食，人二口，至聞儉名，

始悟。因召見，容止樸野，訪及世務，占奏三十餘事，由此顧遇特異，踐歷清華，號稱

明幹。

遼史列傳

開泰二年，拜政事舍人，

宏簡錄

累遷同知樞密院事。太平五年，出爲武定軍節

度使，移鎮大同。六年，入爲南院樞密使。帝方眷倚，參知政事吳叔達與儉不相能，帝怒，出達爲康州刺史，拜儉左丞相，封韓王。帝不豫，受遺詔，輔立太子，是爲興宗。

遼史列傳

賜號貞亮宏靖保義守節耆德功臣，進太師、中書令，加尚父，徙王陳。

宏簡錄

重熙五

年，帝幸禮部貢院，及親試進士，進見不名，賜詩褒美。

遼史列傳

儉爲人質素，衣唯紬帛，

食不重味，月俸有餘，賙給親舊。方冬，奏事便殿，帝見衣袍敝，密令近侍記之，屢見不易。宏簡錄。帝問其故，儉對曰：「臣服此袍已三十年。時尚奢靡，故以此微諷喻之。」上憐

其清貧，令恣取內府物。儉奉詔，持三端而出，益獎重。儉弟五人，帝欲俱賜進士，固

辭。有司獲八盜，已戮，乃獲正賊。家人訴冤，儉三乞申理。上怒曰：「欲朕償命耶？儉

謂：「八家老稚無告，少加存恤，使得收葬，足慰存歿矣。」乃從之。凡在相位二十餘年，

裨益爲多。致政歸第，會宋書辭不如禮，上將親征，幸其第，尚食先往具饌，卻之；進

葵羹乾飯，帝食之美。徐問以策，儉極陳利害，且曰：「第遣一使問之，何必遠勞車駕？」

上悅而止，復卽其第賜宴，器玩悉與之。十二年薨，年九十一，勅葬宛平縣。遼史列傳。

牛溫舒，涿州范陽人。爲人剛正，尚節義，有遠器。宏簡錄二百十。咸雍中，擢進士第，滯

小官。大安初，累遷戶部使，轉給事中，知三司使事。國、民兼足，遼史列傳。聖宗以爲能，

加戶部侍郎，改三司使。壽隆中，拜參知政事，兼同知樞密院事，攝中京留守。部民詣

闕請真拜，從之。召爲三司使。宏簡錄。乾統初，復參知政事，知南院樞密使事。五年，

夏爲宋所攻，來請和解。遼史列傳。六年，遣知北院樞密使蕭塔喇台原作得里底。與溫舒使宋，遼天祚紀。

請元符以後所侵西界地。契丹國志十。方大燕，優人爲道士裝，索土泥藥爐，遼史列傳。一優應曰：

「土少不能和。」溫舒遽起，以手藉土懷之。宏簡錄。宋主問其故。溫舒對曰：「臣奉天子威命來，

和，若不從，則當卷土收去。

遼史列傳。

徽宗曰：先帝已畫封疆，今不復議；若自崇甯以來，

侵地，可與之。

契丹國志。按：此事列傳以爲五年，本紀載於六年，契丹志同。蓋夏請和解在五年，遣使則六年也。今從紀。

遂許夏和。還，加中書令，

卒。

遼史列傳。

楊佖，字正叔，析津人。

宛平王志。

幼穎悟異常，讀書自能成句讀，識者奇之。弱冠，聲

名籍甚。統和二十四年，舉進士第一，歷校書郎、大理正。開泰六年，轉儀曹郎，典

掌書命，加諫議大夫。出知易州，治尚清簡，徵發期會必信。入爲大理少卿，累遷翰林

學士，文章號得體。

遼史列傳。

七年，爲刑部侍郎。八年，燕地饑疫，民多流殍，擢爲南京

留守同知，發倉廩，賑乏絕，貧民鬻子者，計傭出之。

宏簡錄二百十。

宋遣梅詢賀千齡節，詔佖

迎送唱酬，詢每見稱賞。復爲翰林學士。重熙元年，升翰林學士承旨。

遼史列傳。

母憂，起

復拜工部尚書。

宏簡錄。

歷忠順軍節度使，朔、武等州觀察、處置使，天德軍節度使，加特

進檢校太師、同中書門下平章事，復拜參知政事，兼知南院樞密使。十五年，出爲武定

軍節度使，境內亢旱，苗稼將槁，視事之夕，雨澤霑足。百姓歌曰：何以蘇我？上天降

雨。誰其撫我？楊公爲主。

遼史列傳。

漂陽水失故道，歲爲民害，以己俸創長橋，人不病涉。

被召之日，郡民攀轅泣送。

上御清涼殿宴勞，卽日拜吏部尚書，兼門下侍郎、同中書門

下平章事。

宏簡錄。

上曰：卿今日何減呂望之遇文王！佖對曰：呂望比臣遭際，有十年之晚。

上悅。其居相位，

遼史
列傳。

以進賢爲己任，事總大綱，人人樂用。

宛平
王志。

三請致政。除判順

度軍，月給錢粟僕隸，四時遣使存問。佖卒，有登瀛集行於世。

宏簡
錄。

楊績，良鄉人。太平十一年進士及第，累遷南院樞密副使。與杜防、韓知白等擅給進

士堂帖，降長甯軍節度使，徙知涿州。清甯初，拜參知政事，兼同知樞密院事，爲南

府宰相。九年，聞重元亂，與姚景行勤王，上嘉之。十年，知興中府。咸雍中，入知樞

密院事。二年，乞致仕，不許，拜南院樞密使。

遼史
列傳。

興宗以舊臣特召燕見，論古今治

亂、人臣邪正。方今契丹，忠直無如耶律玠，漢人則劉伸而已；然熟察之，伸又不如玠

之剛介。績拜賀曰：

宏簡錄
二百十。

何代無賢？遇亂世則獨善其身，遇明主則兼濟天下。陛下銖

分邪正，升黜分明，天下幸甚！

畿輔唐志
七十一。

八年六月甲戌，封績爲趙王。

宏簡
錄。

太康中，以例

改王遼西。致仕，加守太保，薨。

遼史
列傳。

楊哲，字昌時，安次人。幼通五經大義。

聖宗聞其穎悟，試詩，授校書郎。

太平十

一年，擢進士乙科，改著作佐郎。重熙十二年，累遷樞密都承旨，權度支使。登對稱

旨，進樞密副使。歷長甯軍節度使、山西路轉運使，知興中府。

宏簡錄
二百十。

清甯初，人知南

院樞密使，與姚景行同總朝政。請行柴冊禮。封趙國公。以足疾，復知興中府。咸雍

初，徙封齊，召賜同德功臣，尚書左僕射，兼中書令，拜樞密使，改封晉，給宰相、樞

密使兩廳廉從，封趙王。屢請歸政，益賜保節功臣，致仕。大康五年，例改遼西郡

王。遼史列傳。

劉伸，字濟時，宛平人。少穎悟，長以辭翰聞。重熙五年，登進士第，歷彰武軍節

度使掌書記、大理正。因奏獄，上適與近臣語，不顧，遼史列傳。伸進曰：自古帝王重民命，

願陛下省臣奏。上驚異，宛平王志。擢樞密都承旨，權中京副留守。詔徙富民以實春、秦二

州，伸奏罷，以爲不可。遷大理寺少卿、正卿，人以不冤稱。轉西京副留守。父憂，終

制，爲三司副使，加諫議大夫，提點大理寺。明法律，多寬恕，屢案冤獄，全活者衆。徙

南京副留守，俄改崇義軍節度使。宏簡錄二百十。政務簡靜，民用不擾，致烏鵲同巢之異。優詔

褒之，改戶部使。歲入羨餘錢三十萬緡。拜南院樞密副使。道宗嘗謂大臣曰：遼史列傳。方

今羣臣忠直，耶律玘、劉伸而已。遼史楊績傳。宰相楊績賀其得人。拜參知政事，上諭之曰：

卿勿憚宰相。時北院樞密使伊遜，原作乙辛。勢焰方熾，伸奏曰：臣於伊遜尚不畏，何宰相之

畏？伊遜銜之，相與誹詆，出爲保靜軍節度使。上終欲大用，加守太子太保，遷上京留

守。伊遜以事徙鎮雄武，復以崇義軍節度使致仕。遼史列傳。適燕、薊民饑，伸與致仕趙徽、

韓造日濟以糜粥，所活不勝算。大安二年，伸卒。上震悼，賻贈加等。宏簡錄。

王鼎，字虛中，涿州人。一統志。幼好學，居太甯山數年，博通經史，遼史列傳。長於詩賦。遇上

已，閒出水濱被襖，時馬唐俊有名燕薊間，見其樸野，宏簡錄二百十置下座，欲以詩困之。先

出所作索賦，鼎援筆立成。唐俊驚其敏妙，因與定交。清甯五年，擢進士第，調易州觀

察判官，改涑水縣令，累遷翰林學士。當代典章，多出其手。遼史列傳上書言治道十事，

帝以爲達政體，事多咨訪。宏簡錄壽隆初，遷觀書殿學士。坐誹語奪官，流鎮州。涿州吳志居

數歲，有赦，鼎獨不免。會守臣召鼎爲賀表，因以詩貽使者，有誰知天雨露，獨不到孤

寒之句。上聞而憐之，卽召還，復其職。遼史列傳鼎正直不阿，人有過，必面詆之，涿州吳志

以是多見疏忌。宏簡錄乾統六年卒。鼎宰縣時，憩於庭，俄有暴風，舉卧榻空中。鼎無懼

色，但覺枕榻俱高，乃曰：吾中朝端士，邪不干正，可徐置之。須臾，榻復故處，風遂

止。遼史列傳

張衍，香河人。祖守均，父壽，皆晦跡不仕。衍，遼壽昌元年登進士第，授校書郎，管

內都商稅處。脂膏之所，廉潔不染。課績畢，遷祕書郎，知龍門縣事。秩滿，士民請

留，不許，補中京留守推官，決疑獄，釋重囚五人。時服其明允。遷都員外郎，授比部

侍中。子經，監察御史，儒州商鞠鐵院使，檢校國子監祭酒，雲騎左班祗候。香河劉志引張衍墓志

金

韓昉，字公美，燕京人。仕遼，累世通顯。昉五歲喪父，哭泣能盡哀。

金史列傳。

天慶二年，

進士第一，累遷右拾遺、史館修撰、少府少監、乾文閣待制，加衛尉卿，知制誥。

宏簡錄二

百四十九

契丹爲金人攻擊，窮蹙無計，蕭后遣昉來童貫、蔡攸于軍中，願除歲幣，復結和親，

且言：女真本遠小部落，貪婪無厭，蠶食種類五六十國，今若大遼不存，則必爲南朝憂，唇亡齒寒，不可不慮。貫與攸叱出之。昉大言于庭曰：遼、宋結好，百年誓書具存，汝能欺國，獨能欺天耶？昉去，貫亦不以聞於朝。遼亡，昉降於金。熙宗自爲童時

聰悟，令昉教之，後能賦詩染翰。

大金國志二。

天會四年，充高麗國信使。高麗雖舊通好，奉

表稱藩，而不肯進誓表，累使要約，皆不得要領。

金史列傳。

昉至，移督再三，其國徵讀書

知古今者商榷辭旨，凡涉旬，乃始置對曰：小國事遼、宋二十年無誓表，未嘗失藩臣

禮。今事上國，當與同禮，必不敢用誓表。昉曰：事各隨時，古今異宜。如必欲用古

禮，堯舜三代，天子巡狩，羣后四朝，今上方狩，貴國當從朝會。

宏簡錄。

高麗人無以對，

乃曰：徐議之。昉曰：誓表、朝會，一言決耳。於是高麗乃進誓表如約，昉乃還。宗幹

大說曰：非卿誰能辦此！明年，加昭文館直學士，兼堂後官，再加諫議大夫，遷翰林侍講

學士。

金史列傳。

十二年，拜禮部尚書。天眷初，遷翰林學士，兼太常卿，修國史。在職凡

七年，議禮制度因革，咸出其手。拜濟南尹。皇統元年，召爲參知政事。屢乞致仕，除

汴京留守，封鄆國公。俄以儀同三司致仕。天德初，加開府。卒，年六十八。宏簡錄。昉性仁

厚，待物甚寬。有家奴誣告昉以馬資送叛人出境，考之無狀，有司以奴還昉，昉待之如

初，曰：奴誣主人以罪，求爲良耳，何足怪哉！人稱其長者。

金史列傳。

胡礪少嗜學，爲軍

士所掠，行至燕，昉見而異之，使賦詩以見志，礪操筆立成。昉喜甚，因館置門下，使

與其子處，同教育之。

金史胡礪傳。

昉雖貴，讀書未嘗去手。善屬文，最長於詔冊，

金史列傳。

嘗作

武元聖德神功碑，爲作者所稱。子汝嘉，字公度，皇統二年進士，累遷真定路轉運

使，坐公事遷清州防禦使，召爲翰林侍讀學士。

中州集八。

程案，字公弼，析津人。

一統志。

祖冀，仕遼廣德軍節度使。冀凡六男，父子皆擢科第，士

族號其家爲程一舉。

金史列傳。

父四穆，遼崇義軍節度使。案自幼如成人，及冠，篤學，登

進士甲科，累遷殿中丞。

宏簡錄二百三十七。

天輔七年，太祖入燕，授尚書都官員外郎、錦州安昌

令。

金史列傳。

人爲起居郎，史館修撰。以從軍有勞，加少府少監。熙宗時，歷翰林待制，

兼右諫議大夫，屢上疏言事。

宏簡錄。

其略曰：殿前點檢司，古殿巖環衛之任，所以肅禁

簒、尊天子、備不虞也。臣幸得近清光，從天子觀時政之政。比見陛下校獵，凡羽衛從